

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

# ***Omei Le Moletho***

MO-A

## **RAKU MOLE THO KHRIIZHU**

**(Khrimu Kia Lowo Modo Chu)**

Larii bvii hinahi France leno 1732 kuno sothue ea riikripra kochu hi Africa le Oramei doleno ovo sokow Rev. J.R. Gschwend no 1929 kuno sothu kriwo ola 300 dziina puwo All Nations Gospel Publishers tamei no ezho chiji 127 lehi matawo bue. Larii bvii hina "Raku Moletho khrizhu." Mo-a omei le moletho tto siwe. Amothu Larii bvii lekhi ea omu chishu kochu achichu larii bvii kochu duno ezho kotu Europe thopfi le Africa laleno kopropo kozhu piwo katei kaji sokrimo mei thopfi no phrowo bue, Rache kapeo Ezekiel no Khrista amono dzii mopfu 586 chi hino hriie. "Aino moletho kothu kali nileye pile ea nileno amei sotile, ea aino nile Oramei sole." (Ez. 36:26-28).

**COPYRIGHT**

**ISBN 1 - 874934 - 91 - 6**

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)

# **Omei Le Moletho**

**MORAMEI RAKOTHO CHI MO-E ORA KASHI OVO**

**(1 John 3:4-10)**

Ƨarii hi phrota kow chi nino niye mani kapi khriizhu kali bviio bue tto nilele khi khei lowo phrohio. Ni Khrista mei so-a bu-a molo ea soma molo, mole komomei mo-a alekohro mei koa molo; nila niye Oramei no achane kapi bviio ni losiie "Ojiphe mei no vaku ozhu no koleiwe, ana lipeo no olele no koleiwe." (1 Sam. 16:7).

Ora kashio no thopfii amada opfu siie pfohi kozii le movuo siie, ea jiphe zhi ora koe, pfono Rache vomei khre solowo pfoto ea nito ye kashi lekhi thowotie, deni chi lule pra kochu bviio ezho deni chilu lea Khrista the kophrii mei koe tto mache komo ovo kashi koso ea amada mei paji butie "Hihi okhru pramo, adei ti li Satan kotu-a pfo ala kava rache vomei khre sowo leiwe." (2 Cor. 11:13-14). Jiphe ra kashi no Oramei ye amarei Khrista kokhro kava zhi oko kazhi kava sii mani mo koru duno lochichu komomei nghei sii somache wowe. "Deni cho nikhrumei ochii ziikomo ea kama koso duno raku hepono thetie, ezho denia kokhawo kalei mei chii ziiwo lei-e, pfole nghei no mohow koru kashi lesii kolei tatie, pfole sii chisa somochowo kobu bule sawo tatie." Omei kali no ai kama somoe teli pfo alia ye madaw siie. "Oramei na pfoto-o no achane pi kochu siio Ora kashi vosii somoho pi koru dunoe." (1 John 3:8). "Sii duno nileno Oramei khrule bupilo Ora kashi yesii modulo siibviili pfono nile heno tuta tile Oramei he kanghi lo siitoli pfono ni'le he kanghi pi lole." (James 4:7-8).

Ni larii bvii hi phrowo khruno khriimu hi mochohio, siibviili ni alia le moletho sii siilole Oramei no ni moletho dzii pawo kobu hi pihio siitoko kama sii pepira pio ea ai kama sowtie tto pe ahre sho adei tili Oramei chiipeno hibvijo pe, "ikhrumei no ikhrumei he kama hoe tto pewoli ikhrumei alia ye mada wo siie ea ikhrumei he achichu sii hoe, ana nileno kama sii mawotie tto Oramei he pepira woli pfo woli chichue, ea lochichu lozhie,

ea ile kama sii kokhei pile ye chichu komo thopfii leno iye somothu pile Jihova na pfoto Jisu zheno ikhrumei kama thopfii somothu pie, Ora kashino niye chithe sawo lei? Hokhe Oramei no, sawo lei? Ni ora kashi chilei ho Oramei chilei koe? Ora kashi no niye phumu pfo buli maleiwo sho shura so krawo Oramei he peo, pfono niye phrei pra pile, Khrista Jisu no kama meiyeye kolu lo koru duno ojiphe vue Ora kashi zhi kokhro kama sii somohow koru duno pfohi kolu kapio siie kama kashi thopfii niwo kobu ye ni etsii amocho thopfii siiwo kobu ea nino koso thopfii siiwo kobu Oramei nghodziino nino chongho kaliko koku makhri lohroe.”

“Nobi sokapio pfono cholemo teho? Onghei sokapio pfono nilemo teho?” (Ps. 94:9). “Lipeo no jiphe thopfii hi soteso koleiwe, siitoko pfo hehi ole piwo kobumei hehi pfo kokhro sii piwe.” (2 Pf. 16:9). “Omei thopfiino kata liji sii pfono koleiwe ea pfono omei phiko sii niwe, kashi koso mei no kotsii lo koru kozii mo-e ziiti tichu buko hoe.” (Job 34:21-22).

“Ana Jisu no pfole ye lochichu moe.” (John 2:24). “Achovo mei sii li pfono ozhe pfiitho kow sii kokhei pi kowo ye lona kama sii hupi kowo mei siie, achovo siio li Lipeo no ma-e tto modupi komo mei ye kodani komo lona siie.” (Ps. 32:1-2).

## **KHRIIMU KHURU YE ALICHU WO AMODO KHRIIMU KAREINA**

Khriimu hino maniwe elemei pfoto ea nito khruhe hihi Baible leno kama koso moletho tto siuwe, pekow siili jiphe rakashi no phumu pfo kobu ea pfii-phe dziipa leno hriiwo kobu nasiie Oramei no newo kobu amothu moletho siie hinali, nghomara pfo kobu haye hino amazhe tichu mosii piwe. “Athehe ole kadei sii bue? Athehe amazhe sii bue? Athehe mono kosii sii bue? Athehe ziido komo heno ezhu kolo sii bue? Athehe onghoi kongho sii bue? Darkha zhe sho kaba mei he, ozhe thokohrii chu mochu kochu mei he bue. Nghomaraw kobu oprei leno atu sii siiwo azhovo tikolo kazhi Darkha zheti kolei sho, okhei dzii sii hihi no khengho kali bvii wo made piwe ea nghobvii kali


no made kapi bviwe, ninghei choholi nitile, ea ni lelenu itsii macheso mocholo hro tiwo kochuma shipei pratile.” (Ch. 23:29-33). “Khriimu hina pi khrule khena tali no omei moletho le kobu ne, otta kri-kri chu khena khruno moletho le otta chizhoko kama tichu mani pie, adei tili moletho hi kama bukoe ea aso bukoe, hiduno Oramei no pfomii leno prakoruchu kapeo Jeremiah he pe, “Omei lehino choho kakrii thopfii dziino koda siie ea shishu tie, atheno hihi sii makri losiie.” (Jer. 17:9).

Jisu no achichu sii mosii prawo hibviio pe, “Adei tili omei kali lelenu itsii kashi sii prawe ea sii siino chokhru koso, Achive, meiyee so katha, meiyee sa kaphra, kaji tokani, kashi koso, odo kaji, opfii phe kokha lo kohro, neacharai, meiyee peamashi, atsii pfo, ea athonghū, hi khru hie. Hikhru thopfii hi olele no prawe ea omei ye somashiwo tiwe.” (Mk. 7:21-23).

**1. KASHIGEI** – pfo mamei kazhi hi omei thopfii no dziipae, ana amei leleki sioli chipfo kaji kama tichu mosiiew, Oramei no kodo kolo Lucifar tichu nahi avu kali Oramei kokhro kava nilowo rache vomei kali sowo hriie. “Ana niye kathe raluko kotho tholei lehi pfokrowtie.” (Is. 14:9-17; Ez. 28:12-17).

Chipfo kaji tichu hi odziikuno alia yi kama lehi thow siie, ana otta kri-kri chu leno ovo thesii fiwo mosii pra piwe, hikhru hino saba mani ttali banole ea ona kazhi ttali bano kochu vano chipfowe, pekow khruhi. (Is. 3:16-24). Leno alichuwo mosii pie, mei kamei kowli opfu-pe vano ea kamei kono enule mei vano tto achi pfowe. “Oramei no achi pfomei yesii e-timoe, ana amane mei ye sii zhomazhe piwe.” (1 Pet. 5:5). “Lipeo kapri hi kashi ye nekara siie, mozho kaji, tsiipfo kaji, kashi ea petu pela chu aino nekara-e.” (Ch. 8:13). “Tsii pfo kaji no somashi kochu dziino rei tawe, ea mozho koso siino akre kochu dziino reitawe.” (Ch. 16:18).

**2. ONHI** – Onhi hino pfii-phe dziipa, amada, odo kashi, nito pfoto kashi koso hikhru kashi marei siie, sii pilenu kama hino omei hrii yehi okhei sowo hrii kobu ezho deni hino akrowo butie. Mopfu (2000) chulo kow dziino Jisu Khrista no kape sii okhei



1. KAMA MEI LE MOLETHO

chisii Sodom ea Gomarah bvii tile, hi bvii chu kama hino ezho pfoto ea nito chizho ko mupfo butie, chinghii lile, rakotho chile, chiisii amodo chile, hikhru kama hino vulo chotie, ea ora kashi dokei hino ahre mumu siimo, khriimu kolei chu buchi, okhu onile, hino ziido komo larii talino omei lelekhi thopie, Oramei no kama-e tto kukow sii ezho deni ovo kashi khruhinoe, ezho nalumei thu-thuno khriimu koso leno ye amane tichu thibu niwo bue, ana hikhru okhei sii li koso kono, ahre vo kosiie, ea nalumei kohrii hino ziido komo (Actors ea Actress) mei kohrii le tatie, ezho Joseph ea Daniel bvii kochu Oramei chu koziime hi pramo tie, ezho ikhramei no somajithu kowo hi ole khramo tie. Pekowo ovo kashi khruhi pfoto nito khruye ochii kakri kochu lekhi thopie, kotsiime o zhe le-a hihi pe, Ana ochii kakri kochu chithuni siili pfoleno ikhramei pile pemashiwo alale. Pfoto nito kashi koso ovo mache komo thopfi leno tachorii pralo tto Oramei no ikhramei he pete pie. "Omei no kama koso katako opfii-phe vakuno sowe: Ana chokhru koso woli pfo alia pfii-zho vakhi kama sowe, nile pfii-phe hi nileno Oramei heno nikolo nile lele kobu mothu Raku Rakotho chi kalie tichu nile no siimowo? Nile hi nile ala nile zhimote." (1 Cor. 6:18-19). "Omei katako Oramei rakotho chi sii somashiwo tili, Oramei no pfoye somashio tile, adei teli Oramei rakothochi hi mothue, ea rakotho chisii nikhramei hie." (1 Cor. 3:17).

**3. OVO** – Ovo hino sho amazhe ea chupe kashi kape kama tichu leno pewe, hihi mothu komo khena koe, kazhi kashi siimo kane sii towe, hibviio mothu komo mei kali lelehi etsii kashi, chupe kashi, ziido komo khriimu, ea larii mache marei khruhi pfowe, pfii-phe hi Oramei rakotho chi tto sopie, ana pfii-phe hino mothu komo sioli-shida kachi, makhi pro komo kochu, pan, haye kosho, kanja, khaini, hikhru hino ole-a, pfii-phe-a etsii-a, somoho wowo mothu motie. Nalumei pfoto nito paji kono opro kashi koto dohi hei shutie. Hibviio Ora kashi baleno talo chamu lowo bu-a Oramei kokhro koko leno phrapilo siie. China hepono lekono mei pajino Ora kotho chilehi amothu bukoe tto shida chicho moe, ana Oramei rakotho chi sowo kobu nile pfii-phe hi kakrei pro to sho kochu leno kokha lomoe. "Nikhramei siimowo." Poul no pe "Nile hi Oramei rakotho chi koe ea Oramei

Rakuno nile lele buwe tichu nile no siimowo? Omei katako Oramei rakotho chi sii somashio teli Oramei no pfoye somashio tile." (1 Cor. 3:16-17; 6:18-19).

Kaji tokani tichuhi Oramei heno nikarae kama koe. Ikhramei no hriilo koru duno towe, tokoru duno hriimoe. Achichu mei woli tolowo opfu phrolowe, ana kaji tokani meio toloe phro chomoe khokhe khokhe bei we, kaji tokani meino choho katako towa khra phi kolo hoe, ochii kotho karei leno kapesii, "Pfono ikape chii choboe, pfohi opfu jie, ea to shomazhewo lei beiwe, siithesii inubvijji lemei thopfiino pfoye otuno shuthale." (Ozp. 21:18-21).

Shomazhe ye kaji tokani mei sii hotile ea amonghii meisii saba mani kashi bano le, ana opfu kaji meiyee kasa koso sii pfofpu ye ahre piwe. (Ch. 28:7). "Ghilei paji kobu kani pfuna ti mochohio, kathe theno pehelo kohro amazhe omi buleno hrepfo kobuti mocholo. Shomazhe tichu vano paji pekoru hoe, hihi mololoso pelemoe tichu mothuwo pekapra chupe koe, shomazhe meino Oramei movuji le kali khribviia lolo hroe tto Oramei chupeno ikhramei he mosii piwe, haye hino kahrii le vulo koru kotona moe, hihi no somoho ea somashi haye koe, ea itsii ole thopfii so ino piwe, haye kosho mei hili itsii koho ea amara mei noe. Pfole zhe doso sii mache moe ea pfoleno sozii komo, siioli sokatha, nikobo, kashi koso khruhi pratiwe, "Ozhe hi krumii kosii mei kalie, oshu koso zhe kosho hi ahre proe, ea omei katako hihi no chithe mama kapimeii sii chakei moe." (Ch. 20:1).

Alia ye limokhro kochu ea shomazhe tichu hi Oramei nghodzii li marei siie Oramei nõ hibviio pe; "Ozhe sho kaba mei kakrei pro tali no tho kohrii kochu kosho pri komo, adei mazhe koso." (Is. 5:22). "Pfole ahre sii kolei leto pfo rakoro prei leno pfo shinamei ye zhu mazhe kapi mei sii adei mazheko solesa!" (Hab. 2:15). "Pfoleno likha kochu lesii olo kaka bvii katei, kaji, robvii, Lidabo nopu pfovuu ozhe showo buwe. Ana pfoleno Lipeo ovo so zhi moe pfobano koso khrusii pfopi chomoe moe niphro picho moe." (Is. 5:12). "Chichu komo mei sii Oramei movu jile vulolo lemoe tichu nileno siimowo? Mocho ma pio tisho, ozhe



mache komo koso mei-a amarei kade kotho mei-a meipfii meichu sakaphra mei, pfoto mei kahe ye sao ahrevo koso mei, achive mei kajito kani mei, shomazhe mei, kochuma so kozii kochu mei, moe meizhi sho kotu mei-a Oramei movu jile vulolo lemoe." (1 Cor. 6:9-10).

Jiphe mei no kama koso tichu mosii pile siisii hihie, "Khrulo koso, mothu komo, kochuma koso, amarei kade kotho, pingu kochu, azhune kobo, kozii kazhi kochu, ne-achrei, ora koro, ala kazhi kopho, ole azhu komo, opa omu koso, ni orei kochu, shomazhe ahre vo koso, ea hibvii kochu kakri thopfii hie. Aino marei chi nile he peda kochu tibviio ichu-a pewe, sioli hibvii kochu vo koso mei sii Oramei movu jile vulo lemoe." (Gal. 5:19-21). "Nile ye somashio tikoru Darkhe zhe shomazhe sho, ana siithe sii Raku ye peno lo mophro pilo." (Ephi. 5:18).

Raku hepono chariwo kobu mei ye Jisu no kuwe, "Omei kata ko chari woli pfosii ahe vulolo." (John 7:37-38). "He, chariwo kalei mei, odzii he tavu lolo, kasha koho mei, vulo hriilo ea to! Tavuo, Darkhe zhe ea tunedzii hriilo, kasha pfole moe, ea omu pfole moe." (Is. 55:1). "Ana aino pikoru odzii chikolo mei sioli chari pule moe, ana aino pfohe kapi odzii siino dziila solowo chisa kahri dziisii pepra lole." (John 4:14).

**4. APHE** – Aphe yeno amonghii ye koda hriihrii tto siuwe, mole komowo yeno koda hriihrii chu kama tto siuwe, "Amonghii mei amonii siino pfoye sotha we adei tili pfoba sii chongho soboe, kashi mei siino mozho moniwo bubei we ana achichu mei no pibomo piwe." (Ch. 21:25,26). Joshua no Israel namei he pe, "Nileno chonghoko solemowo? Kotho talo chijisii pfolo moli shitie." (Och. 18:9). Jisu no pe "Chikhu katei leno lolo kosiiso chitulo." (Luke 13:24). "Adei tili kopho mei yesii piwe ea kokho mei siino nilowe." (Mt. 7:8). "Rache movu jisii lekho kashi khru khrule hue ea lekho kashi mei no siisii sholo leto chituwe." (Mt. 11:12).

Pfii phe kama duno ea asa chovo duno ikhrumei Raku ye chisa kathele lotiwe, hiduno sokokhro kholo Oramei zhikazhi sii pholo,

Oramei no eh tikapi shihra sii pfolo moli niye kashi lekhi thowo tile, Oramei no pe nile hi ezho ahe pio tto khowo buē, ana Ora kashi noli shiduno tto pewe, moe kono dziino tto pewe, amazhe tichu woli shidu sii vupu mo-a molo siibvijo nisii kolu kolonilomo ea Khrista ye pfolo mo thitie. Oramei nope, “Nileno ezho pfo shipei sii chololi nileno nile pfu-pe khramei no Oramei pile mahrei kothu tibviio ole khropu tisho.” (Heb. 3:7,8). Nipulo kohro oke kazhi khuwo kobu leno omei chizhoko kokhei kolu kolo nilomo thitie mowo? Siiduno shidu tichu hi nizhimoe.

Aphe heike hi pingu meino pfo ovo tali solowe pfoleno Oramei ye lochichu kochu thesii pfoleno koda kodo pfo mache komo vo sowo oba zhu kochu, nghei so mara kochu ea robo (Voodoo) khruye lochi chuwo ovo koso vano kama sowe, motsiiso ikhramei no koso kono, kathe koho, ea amazhe atachi kovuchi Lipeo aye sokhro pio tto malawe, siisii Raku kazhiho kashie? “Lipeo no kazhi mei phiko sii chithe piwe ea pfono pfo liji sii kolei pfothu odzii pae.” (Ol. 37:23). “Niie hroleno kamei ko lishiwo? Pfosii peno Church le kotsii mei ye kulowo pfopile mazhe chu mape pio Lipeo zhuleno tel kodo pio, amole leno mazhechu pekapi sii no likashi meiyē somazhi lole ea Lipeo no pfoye sii phethu pile ea pfono kama ko solo tie siisii kokhei pile siiduno nikhramei no kana ko hekhi kamasii pepira pio ea kana koye duno mazhechu pepilo.” (James 5:14-16). Oramei no Israel namei he kokha pio pe, “Nileno alia no pfoto mo-a nanito ye omi deiwo ora sowo ashila, Raku kozhu, pingu kochu, koji savu kovu, meiyē sokatha do koso, othe kohudo, kathe mezii, pingu do koso, the amoziiido, tahi sole moe, hibvii kochudo khruhi Lipeo no nikarae.” (Oz. 18:10-12). “Ana ova kusii ashikhru, acharado koso mei, khruho koso mei, mei so katha mei, amarei kade kotho mei, ea amada lekashi ea koso khramei no buē.” (Mosii 22:15).

“Kathe mozii kapra mei ye moe pingudo koso mei ye phowo kophro sho, pfole ye kophrowo nile ye somao sho, ai nile Lipeo Oramei koe. (Livi. 19:31). Nino larii kateito hi phrowo kobu chi Oramei no niye kakriwo buē, kukowo sii kama leno ole chilulowo nikohrii hi Lipeo bale thetho pio. Ana nilele kobu Aphe Raku

itsii ti thewowo nile alatelo, Oramei ye nikapri leno chinghii lemeino, kasa meino, ea mei kata kona pe-a aino kochuchu Khrista mei sololi, omei khruno, kasapo khrano, ea akohele.kobu khruno ahe adei tto pele, ojiphe zheleno asa chovo, oni amani, opa omu koso, lelo motili chizhoko zhisa? Okhru kapra zhomazhe asa siino pe okhei koho, azhupe kochu kohrii, asa shu kochu, hikhru thopfii hi ni ala kolei lowo buho moe pehio? "Ana khrumei sii oso-zhe kochu duno, Jisu no pfole ojiphemei ozhe nasii pfolowo pfole ye sii bviioe, pfono hibviio koso hi kathi pile kokhro kobuo, Ora kashi ye sii somoholo koru duno siie, ea siibviio pfono kathi yesii nipri kochu vano pfole kohrii sasii chilei moso kowo mei yesii modoso phra pio tie." (Heb. 2:14-15). Pingu koso mei no nile itsii sii Aphe heike kokhro tibviio somo khro wotie.

**5. OKHE MAZHE** – hi sokashi khena kali-e, nekobo ea ole kosho hino omei lelehi sotho piwa omeiyi sokatha tichu hi paji pratie hitahi pramo koru duno tto chituwa alia yi kokha we, ana siisiino thopfiidzii kashi tichu hi ningha-ningha tto buwe, hihi nile lele bue tichu nia eh tiwe, hitahi pratimo koru duno Jisu he pemosii kochuno zhipu shue ningheino orakoro ti kolei sho, "orakoro akhei tio, ea lekho kashi sii thewtio, mazhe sho, hihino kashi sii maphrawo beiwe." (Ol. 37:8). "Lekho kashi hi leshi sii chomoe." (Ch. 27:4). "Orarongha-ngha tisho, adeiteli orakoro sii athonghii mei kakhe he bue." (Ok. 7:9). "Ahre koho chii pe kapra khruhi thewo." (Col. 3:8).

Omei paji no ovo kashi sowo mo-a to sho mazhewo ora somokhro we ana, "Ana pfole darkhazhe sii khengho matedzii koe ea nghobvii matedzii koe." (Oz. 32:33). Kamameino mokhu kopho dziipa-e ana orameino kama koso thebu pile, "Nino nishina napo yi ni alia niyi bviio ole shilo," (Mk. 12:31) ea "Niyi nekobomei yiti leshilo." (Mt. 5:44). Ea akhrumei no akhrumei pile sokama meiyi kokhei pi kowo tibviio ino sokama sii kokhei pio." (Mt. 6:12). Meithe peino monobobo kochuhi oramei no nekara-a, mazhesho kochu, ozhe mokrii kochu-ea oru koso tichu hi omeino mochowe, siiduno kochuchu amane sii omei leleno sothu lomoli shie.

**6. KHENGHO** – Eden topri leno Eve yi malawo pfono oramei yi kanghi shuwa kobu sii sokho wotie, orakashino Adam ea Eve yi niboe, pfono ojipheno lipe kali sowo oramei yi ako-a alichuwa khusii sowa kobu ni lowa orakashino somoho pile tto mocholo tie, oramei yi ako-a okhru kapra so hrii kowo khruhi, kamei kono asa chovowo kobu nilowa orakashio no kamei ko lelekhi kashi sii detho piwa pfole alia kochucho asa achovo sii somoho wotie “Adeiteli lekashihi kathi bviio khroe.” (Solo Ol. 8:6). “Atheno neorei kochu dziino alalo le,” (Ch. 27:4) hihino olele itsii kashi pralowo kakrimei asa chovo somohowo we ea meiyi sokatha hi pratiwe, motsii so nathu, nghi kotumei chinghii no prawe, ea ohrii hra kosomei ea kakri mei paji hi-a pehelo kohro amazhe ea neakara hi prawe, ole mothu mo Khrista vo kosomei hie hibviio kanako nekobo hi pratiwe siiduno pfoleno oramei vo koso leno orameino chiku pile, ea ole amothu leno pfotho ole sii phropile. “Adeiteli ihe khi pikowo Mothu Raku vano Oramei lekashi sii ile lekhi thopiwotie.” (Rom. 5:5). Siiduno amole leno ora kashivo ea nikobo, amada tahi vutimo koru duno nghi phi thopii mothuwo kobu no zhile.

**7. OVE** – Adei tili kasha shiki dzii kapa hino chongho kashi thopii kama siie. (1 Tim. 6:10). Africa le Congo tichu ibvii kali leno ove khruno pike to towo opfu pfiipho wowo thi tie, kaji to kani meino pfole bano koto koho mei ea amazhe mei ye sokhro chomoe, siithe leno lomei zhi shotowo pfoleno jipheno niloe, Jisu no pe “Nile no onizhi thore no vulo kazhi, ovei telo kazhi ojiphe khi pfokodzii dashu, ana thore no tolo kohro ea chive meino velo kohro Rache vakhi nile oni-zhi sii kotu dalo. Adei tili nile oni-zhi kobu hesii nile le-a bue, onghei hino opfii phe kavae siiduno ninghei no zhio li nipfiiphe thopii sii vakrowo bule.” (Mt. 6:19-22). “Akan chinghii lemei ye otuno shutha wote kasha shana saba mani dziikapa duno.” (Joshua 7). “Judas Iscariot hi Jisu theta mei kalie pfono kasha dzii kapa duno pfo Lipeo yesii koda wote, kashisii kasha no moe, shana-a moe ana kasha dzii kapa vano madawo pfolele khi koku wotie, omei paji no alia chinghii lele-a kokha kochu, ocha zhukochu vano kotho kanimei solowo mohow tiwe amazhe nikhrei timo shiki shana nilowo achivemei sokatha ea alia lochichu komo kokhro

koko jiphe dokei vano oni-zhi somohowte kasha siki pfo omei ye niphro komo sowe, china hepo achithe mei kokhro khri ea Oramei zhu somaji kapra mei mu zhu dziino jiwo, pfozhi lomo ea chichu leno Khrista the phrii kani mei kali yia moko leno somawowo ozhu kata dzii kapa ea kaji dzii kapa khramei hie. Jisu no "Monolo ea meina meizhi mahe monii kochu leno kokhalo, adei tili omei kali kohrii hi pfoni pfozhi mahe moho kochu siino promoe." (Lk. 12:15). Kani mei kali ko' hibviwo pe "Chongho kanimei kali odosii zhishuwo otho-dzii pajiso nilowe ea pfo alia mochoe, ai adei tilehe atho adzii kodzii koru bu hote? Ea pfono pe aino hibviile; Aino athochi khruhi dahrawole. ea hidziino kaji solole, ea lole siikhi athodzii ea ana zhi kheilole ea aino araku he pele araku mopfu paji duno ona ozhi paji koso pfokodzii lote asolo tosho chovoso buo, ana Orameiño pfohe pe amarao! Ezho chikhri niraku pfota tile ea nino chiku khei koto ona ozhi khruhi athizhi sole? Siiduno kalikhria duno ona ozhi kodzii khei koto ea Oramei he pono chongho nikomo meisii hibvii se." (Lk. 12:16-21). "Omei kalino ojiphe thopfii sii pfozhi solowo pfo kohriirei sii mohowo tili adei amazhi bue?" (Mk. 8:36). "Siiduno aino nilehe pewe nile kohriile adei tole, mo-a nipfiizho adei banole tto modo mazhe sho adei tili kohriihi koto kosho dziino kronghie ea opfii zhono saba mani dziino kronghie... Ana nileno pfo movuji sii pholo ea hikhru hie nile zhi sotile... Adei tili nini kobu hesii nile se bule." (Lk. 12:22-34).

**8. ORA KASHI** – Hino thopfii amada opfu se ea pfohino kashi otali kapra lipeo se ea molethole kashi lipe se, Jisu no pe "Nileo nile pfu Ora kashio zhikoe, ea nile dziipa siilii nile pfu dziipa koso siise, Pfosii acharei no omei ye sokatha mei, ea achichu koso kaliko hoe, adei tili pfohe sii achichu hoe, pfo mada kochusii pfono pfokhre-zhe thesii phriiwo pewe adei tili pfohi amada mei kalie ea amada pfose." (John 8:44). "Mache komo titito kali vano kaji pratiwe, siikhru duno hibviwo riikhei thoe. Mada komo Oramei no kohrii hinahi dedeni chono ikhramei ye kapepi wotie." (Tita 1:2). "Ikhramei no pfoye sawo amemu we tto pew khruno kozii leno hriiwo tili ileno madae ea achichu thesii phriiwo hriimoe." (1 John 1:6). "Ana ovaku sii osi khru acharado,

kosomei khrulo kosomei, mei sokatha mei, amarei kade kothomei, ea amada lekashi ea koso khru no bue.” (Mosii. 22:15). “Amada shakhi sowo madawo pekupra ea pinou mei kahe hrole chashe thokapi hikru hie.” (Ch. 6:19).

**9. CHIVU** – Hina hino omei lule kobu kazhi kashi siimakri tichu mosiwe, ana hihi kashi ea mohokow le bute, eh tipi komo ea kashi hino koto kabei somo kobu duno thitie, ea alei kohro nghei kache sote, sioli alia ye kazhi kashi siimakri lomo te hibviichu kazhi kashi sii amakri hi chongho chikono obu kata chiko bue molo, ea kachiko oke kashi amazhenno bue molo, zhomazhe kapi bu buli zhomazhe pio. “Hibviwo modo kochuhi onghu dei moso kochuno itsii deitha kowo bviiwo kobumei ye so mama kochu amada meino modo piwo te.” (1 Timothy 4:1-2; Heb. 10:22).

**10. ONGHEI** – Oramei nghei woli jiphe thopfii nikhrei tiwe, chongho kaliko pfo nghodzii no koku lohroe, ea pfono siikhrei tiwe ikhramei no makhriso ole le itsii amochi thopfii-a ea nino chikhri katei kozii leno kashi koso-e ea inghii shoshu kochu lena tibvii kotho lekona siie chongho katako Oramei no thopfii nikhrei tiwe, (Khrimule onghei hi nahi-a pemosii prawo ea oke so manipiwe... Amazhe chovo khru).

**11. OMI MALI KATEI** – omi mali katei hino omei moletho hino alapfo kobu hino kamamei yi olekashi tichu mosiwe. Orameino kama hi nikara wa bu-a omei yiwoli oleshi-e; ana omei katako moho makawo mo omei thopfii peno ole chilu kolo dziipawo nileyi duno hrewa busiie. (2 Pet. 3:9). Jisu no kamamei yi kolulo koru duno vue; “orachi vasii kamamei kalino ole chilu lo teli ole chilu kozii koho achichumei reiku-a chikuo dzii no asa pule.” (Lk. 15:7). Omi mali katei hi Jisu Khrista ozhe tto siuwe “Koleio ojiphemei kama pfiwo takowo Oramei kolatu sii.” (John 1:29).

**12. RACHIVOMEI** – rachivomei hi Oramei chupe the sowe, orameino dziipa sii omei katako alia yi malei wowo ea kama komosii kothewo ole chilu lowo Oramei hi adaivu lowo kokhro kava ole kashi ole mothuo kophro kochu odzii pa-a.

**13. MAKHRE** – hi mothu raku marei-a; opfu hino kovu achichu raku no vuloli pfono asakhi sopile. (John 15:26). Raku mothuno omei moletho vaku he bue ea pfono kama buhi bulo hroe. Nile hi khimuo bviio butili kralo Lipeo hino; ea nilesii hropio siibviio kavasii nilele no lo mavalu. “Lipeo Jisuyi lochichulo, siitololi ni ea nichingii lumei yi sii koluloe.” (Ovo. 16:31). Orameino dziipa-e, ovue, pfono nile sokoda piniwe, “ea aino pfole hi ole kothu kali ea Raku kothu kali pile.” (Ezk. 11:19). Pekow kanghei kochu khrimu maniwa modowe.

### KHRIMU KANGHEI

Khrimu kanghei nahi Oramei no ole chilu kolo karei nasii maniwe, Rache vo meino obalekhi khrochu pfo, Oramei chupe no pe, “Oramei chupe hi hriiwo ea khrokowo bue othe odzii ohri kobu khrochu dziino ohri zhipue. Hihi no kahrerei ea raku kohriipfo kobu korubo ea oso ikri hro kohriipfo kocho he kotue khrikho vutu losiie, hihi no omei dziipa ea olele no etsii amocho thoppii sii mosii makri pra piwe.” (Heb. 4:12). Oramei chupe no hibviio mosii pie “Adei tili kama zhukru sii kathe siie.” (Rom. 6:23). “Ea siinasii mei thopfiino ale kali thele siithe sii Oramei no ochu kakrile.” (Heb. 9:27). “Amada mei thoppii ye duno li pfole busii omino ea mithono tekowo ozhe lesii.” (Mos. 21:8).

### OCHO SIIMA VUKOLO KAMA

Rache vomei no oba kali pokhi opire kali pfobue, ea hihino ikhrumei thoppii pile tichu mosiiwe, ikhrumei no ilu shuwo kobu, saba mani, mamai kazhi, ea hizhi odzii kapa amocho vutu kolo ea ole khraphi to kobu ikhrumei pfii phe hi kaniko thetile ea hoti baile. Ana ikhrumei rakuwo li chisa bule “adei tili ikhrumei thoppii Khrista no ochu kakri kochu bule sii vulo viiziile.” (2 Cor. 5:10). Kama mei kalino Oramei chupe cholowo pfolehi Oramei he hro kapi ikhrumei no ne, raku mothukavano katei kozii moletho ye shumava pie, Raku mothu kavano omei le katei kozii thoppii sii hulawo te, Raku mothuno vulo kolo chisii koziisii hote, okhena otali kobu thoppii tutatie, siiduno phrowo kobu kasa khumei, Oramei kokhro kava sii peno nilele lo mobulo, khrimu




2. OCHO SIIMA VUKOLO KAMA



leno nikowo bviiwo katei kozii thopfii nivano pratile. Jisu no pe "Ai Ojiphe kava siie athe phrii kolo mei sii koziile tale moe ana kahri kavasii nilole." (John 8:12). Alia chitu kochuno alia itsii modono, mo-a mei itsii modono, nilele kobu kashi sii hula lohroe. Thopfii dziino amache makomo, athoshu kochu ea thopfii dziino omu kachi liji kali khri kobusii Lipeo Jisu kava peno motholo. Siibvii li azhi komo so kamasii hotile okhru, ea chivu khruno chikhrino kava piwe, ana chinghei pra tili pfole kava sii akhei lotiwe Jisuno achichu kava siie, pfono Jerusalem rakotho chile kolo phachi, pfono ona zhi zhuhriiwo kobu sii hupho mara moro lawo te ea paisa mono kale kochumei bu ea rahu kozhumei bu khrusii sokhre lawo te "Achichu larii leno hibviiwo pe, achihi mazhechu kape zhi sole ana nileno hihi meizhi kavemei kotsii kochubu sowote." (Mt. 21:13). Ni molethohi Oramei chi ea rakothochi sonie, pfono hilehi bunie, somothu lonie, shumava pinie, lekashi ea asa siino, Jisuno kama kokhei pi koru duno vumoe, ana pfono kama mei ye kolu koru ea modo solo koru duno vue "Siiduno ona pfoto no nileye modo sopiwo tili nilesii kochuchuno modo solo tie." (John 8:36).

## KOSII KOCHU KHRUMU

Kochuchu no omei kalino ole chilu kolo tichu moletho khrimu sii maniwe pfoye duno Lipeo Jisu ye kross vano datha kowo tibviio pehelo kohro amazhe kama kashiti ichue nino khu lo moe. Oramei chupe ea rache vomeino manio kobu kross hi nino nilowo nile apru akowo nila sokowo kama duno ole deiwo chovo mote ea ole khramate, Oramei no pehelo kohro leshishuo kobu pфона pfoto-o sii pie, Lipeo Jisu no pfo alia dziipawo maphi kata sii vano nikama thopfii pfiwo nitheso thekapi nilowo pfole ada loe, Jisu ye dakapi, oshu pirii riikapi, ophi oba onghushu no dakha piwo kross vano ikhrumei duno thekapi hi, kochuchu ole chilu kolo mei kali no mothuwo ea tho shuwo pfo pie, ole kohrii thopfii ada loe, alia ye khrizhu leno nikow bviiwo mani pikow Oramei chupe phro kow chi nino Oramei heno chizhoko dotatie ea Oramei kotu kokha chu chizhoko ziimo tatie tto mocho lote, Oramei ye duno ole mazhe, ea ole apru ako kochuno ole mazhewo ea krawo Oramei he ole hropi wote, hihi duno Oramei



3. OLE CHILU KOLO MOLE THO


no nihe kanghi kopi lole “ea pfonta pfonto Jisu zhe siino ikhramei kama thoppii leno khrimothu piwe.” (1 John 1:7). “He Oramei alelehi molettho amothu kali sopio ea alelehi kothu ea nikhru leno hriilo kosii leno sopio.” (Ol. 51:10). Oramei chupe no pe “Ana omeiye hi aino hrii amane, raku leno ole chilu kolo ea achipe prihre kochu meiyee aino olenowo kolei pile.” (Is. 66:2). Mothu Raku leno Jisuno pe “Nile asalo, anana ni kama khirusii kokheii pio te.” (Mt. 9:2). Jisuno kross vano ozhe mokripa kapi niye duno se tichu lochichu kolo vano nikama thoppii pfolei wote tto siilote. Adei tili Jisu no ikhramei koso kono thoppii pfiilote. Siisioli “ikhramei kama duno pfoye dapie adei tili ikhramei no kashi koso duno kochuchu no ikhramei kama thoppii Lipeo he thetho piote.” (Is. 53).

Raku mothu ea Oramei lekashi no chiku ilu pio olesii somothu pie, adei tili pfonto Jisu ye lochichu kolo vano kama thoppii kokheii piye “ea pfonta pfonto Jisu zhe siino ikhramei kama thoppii leno khrimothu piwe.” (1 John 1:7). “Omei katako pfoye lochichu kolo meisii mohowo mo chisa kahrisii nilole.” (John 3:16). “Pfonto zhomazhe shu kochu duno ikhramei kamasii pfozhe vano kokheii lowo pfozhe leno kolu lote.” (Eph. 1:7). Pfiiphe nahi monii sii thewo ea Oramei dziipa solo “Oramei no nileye reiwo leshipi kochu duno nileno leshiwe.” (1 John 4:19).

“Ojipheno jiphena ye leshishu ana Oramei ye Oramei zhiye leshilo siiduno ichuwo khrimu leno kamathe sowo kobu khena sii omei leleno vaku butie, ana ora kashiwo li pfonto chihu kobubu thewo nimo kolei khe kolei khe wo bue, ye kheilolo koru liji phowe, siiduno Lipeo Jisuno ikhramei he hibviwo pe mazhechu pewo bupilo siibviili pfonto nile heno tuta tile.” (James 4:7).

## **PADEI KOCHU KHRIMU**

Khrimu heno siikolo sii omei katako amane ea chisa kokheii kolu kolo tichuhi Jisuno kross vano thekapi kojino chongho kata lekona somaji thu kolo hoe tichu onga nasii Khrista meihe manewe, Khrista chileio Poul no pe “Ana a dunoli! Lipeo Jisu



4. KHRISTA YE AKUA KATHE

Khrista kross vano koli akhukrai wo baile, adei teli pfo kross vano ojiphe hioli athepo woli thete ea aya ojephe hepo dunoli thete.” (Gal. 6:14). Khrista chipeio Peter nope “nile peno kama lesiino mathewowo achichu hepono hriithulo koru duno Khristano ikhrumei kama sii pfofii pheno pfiwo kross vakhi thepi wote, pfono izu pfiikolo vano nile koso sii somazhi piote.” (1 Peter 2:24). Khrista meino jiphe hino thete, siiduno ikhrumei he hibviio mosii pie, “Raku leno hriilo ea opfii phe amónii dziipa sii sosho.” (Gal. 5:16,25).

Lipeo Jisu ye kross vakhi khimu lowo ea pfo saba mani phrawote. Siibvii chu khrimu sii totsii maji he bue, ea pfoleno nibowo pfoye dapie pfoye ikhrumei kama duno somazhewo bue adei vano tili “nile kama vano pfoye dapie pfoye somazhe kapi vano nileye somazhi pie.” (Is. 53:5). Herod ea shipai meino pfoye krumiie ea pfoye dapie ea pfoleno oshu pirii no pfopi riipie. Movu pirii the oshu pirii no riipie, ea siida kali pfoba izhopo hesii thopie movu mei thesii pfoleno ino ngho pfoye krumii pie, ea pe “Jihudimei movuwo sii mamaio” pfole no pfoye mateno mosiivu pie ea siida pfolowo opi dapie pfoye sii chokru chomii sokowo the sii kross vano datha koru duno shithe sawo tatie. (Mt. 27:27-31).

Izho-e Church leno Ora thowo Oramei ko pewo ea Orameilo sowe ana pfole vo kashino kolu kapi Lipeo ye kross vakhi datha kapi Khrista mei chizhoko bue “Ayino Lipeo Lipeo tto koku mei thopfiino Rache movu jilesii lolemoe, ana Racheva kobu apfu dziipa koso mei siino lolowo baile.” (Mt. 7:21).

Lipeo Jisu viizii no hibviio kapehi ezho mocholo moli shie, khrimu hile hino ikhrumei no Judas kasha bvii se nie Lipeo Jisu ye kodawote ea kasha shia no zhuloe, adei tili kasha dzii pawo pfono hibviio sowte, shipai meino mimate lowo chikhrino Jisu ye tokrei loe. “Pfoleno pfofa mani khrusii raku koda koleiwo pfole alia kozhu lote.” (Ol. 22:18).

“Chupehi vutulo koru duno shipai meino Lipeo sa mani sii raku koda koleite, pfoleno Lipeo vano samani thopfii pfoloe, ana omei


hina hino iye dzii kapasii ino dziipa moe, siibviio eh tipi moe, dziibowo peletili, ochi riingho kapi, ochi mane kapi, zhomazhe thopfihi jiphe meino Oramei heno dziipae, ana pfole alia no lipe kalikhri kobu no chithe kapi, ea pfokhru leno kohrihi pfoleno dziipa moe, omei kopropono koso kono chi pfoleye Orameino sokhro pie tto pfove. "Ana shipai mei kalino pfo kana sii inghono kohrei pie ea mothukhru ozhe ea odzii kriipra te." (John 19:33-37). "Ohu kakhe dziino ni aye ale kosii chazhi tile tto kapesii Peter no matei pralote, pfono vaku tapra tiwo kraji kra te." (Mt. 26:69-75). "Ovo ea chipe no li peo nghodziino mosiipi homoe? Moe mei nghodziino hibviio kosohi ahre homoe? Jisuno pe "Omei katako moduno moso nghodziino pfosii ameikoe tto kape meiyesii aya hibviwo pfoyesii Racheva kobu apfi nghodziino pepile ana omei katako moso nghodziino modu aye pfopi moli aya Rache kobu apfu nghodziino pfoyesii pfopi lemoe." (Mt. 10:32-33). Omei katako Jisu Khrista oche vano abei kolo meisii achovo siie.

Ochesii hotimo chisa bule niheno  
Lipeo va inghono khri kapi heno  
Krii kapra ozhe odziino  
Kamasii kokhei pie  
Kama kashi kolu pie.

### **PONGO KOCHU KHRIMU**

Khrimu hina hino Oramei no pe okhei koho olekashi zhomazhenoko kokhei kapi kama mei kaliye somothu piwo kheihiko kotho moletho ye mani we "Omei kata kona aye leshili pfono achipe sii ziile apfuno pfoye leshi pile ea ikhrameino pfohe vuwo pfoye akua butile." (John 14:23). "Ea ale kohro khramei yesii somokhro piwo te." (Luke 1:52).

Moletho hinahi ichuwo li kochuchu Oramei rakothochi sote kama sii thewote amada thopfiile opfu ora kashino pfolo kazhi okheso tali kothele siikhi achichu raku siioli amothu molethole kashi bulo kohro ikhramei no niwe molethohi mamai zhite, rashi mashiloe topileno, ea raku mothu tho mashiloe. "Ana raku thosioli ole



5. ORAMEI RAKOTHO CHII

kashi, asa kochu, amane, hre kosii, leshe kosii, kazhi, lochichu lokazhi, mane mate kochu, ala kokha kosii, hikhru pilesii kokha kochu ozhe hoe?" (Gal. 5:22-23). Kosoko hrepfo kazhi lochichu, ole kazhi, pfiipheva kazhi pfophrawo wo zhishu kochu otho te-amopro rashibu kali bviite ichuoli pfohi amothu darkha bubviio ikhrumei Lipeo Jisu zhi otho paji tekow pfiiphe kali sote. Otho telo kazhi tichusii hihie "Aino apfu kotu kokhachu ziiwo pfole kashile kobu bviwo nile-e a-kotu kokha chu ziiwo alekashile bule." (John 15:1-10). "Ea Jisu Khrista hepo bukotu mei siili opfii phe mahe amonii thopfiisii kross vahi sothawo wowe." (Gal. 5:24). "Ana aino pewe raku leno hriilo ea opfii phe amonii dziipa sii soshu." (Gal. 5:16). Ichuwo kani, kocho, ea opfii phe amole duno tamoe, ana lochichu leno tae. "Adeitili Oramei nameino ojiphe dziino zhilo siite." (1 John 5:4). Pfo no akua hrii kochu koshu kochu amole ea kokhro kokono pu amochosiili Lipeo no adei vu koru sii kanghite, pfono Oramei lekashi leno hriile ochiisa sii.

"Ole amothu khrumei siio achovo se, adei tili pfoleno Oramei ye nile." (Mt. 5:8). Movuo David no oni nishuwo ye pfoye amahreime diziino oru zhilowo thopfi dzii kaji oruna siili pfole lele kobu moletho hie tto siiloe siiduno pfolele no mashi kolo vano atho shuwo raku leno mazhe chupe. "He Oramei alelehi moletho amothu kali sopio, ea alelehi kothu ea nikhruleno hriilo kosii leno siipio." (Ol. 51:10). David no kokho bviwo moletho kothu kali sopio tto Oramei heno kokho ea ole mothuwo kashileno ole chilu lowo Oramei he vulo lo moli aliano somothu ea so kothu lowo Oramei he sii omei kaliko vulo hroe Orameino nikohrii hi somothu pinio bue. "Aino nileva odzii amothuno kavu pile, ea nileno nile zhi mothu komo thopfi leno ea nile amarei kade ra kotho thopfi leno nile ye aino somothu pile. Aino moletho kothu kali nile ye pile, ea raku kothu kali aino nile lele thopile, ea nivaso vano otubvii chu moletho sii pfophra wole ea oso mole thosii no nileye pile. Aino nile lehi araku thopile ea nile ye peno azhi chii leno motole ea a-amothu zhi soteso mozii lole." (Ezk. 36:25-27). Hibvii chu oko hi ochi kotho kothu leno Oramei no pfono pfoto Jisu Khrista vano movu tupie.




Khrimu hileno rache vomeiye achane pi kriwe, rache vomeiye kodoloe. "Lipeo rache vomeino pfoye kaprimei pukohesii khupfo oke kashi leno kolu pra piwe." (Ol. 34:7; 91:11; Dan. 6:22; Mt. 2:13; 13:39; 18:10; Ovo. 5:19; 12:7-10).

Orakashi khruwe moletho puheno pfono charei kobubu he adalolo koru oke kazhi koleiwo alawo kobu ikhramei no khrimu leno niwe, siiduno ikhrameihe mosii piwe. "Ashuhrulo, ea khutewo bulo! Nileye amahrei orakashi siino arapfo kalei Nonshakhe no kameiko ye tsiito koru duno phokro phokhruwo leite." (1 Pet. 5:8). Chakei shuwò pfono Rache vomei khre sole kotheno kothewo hrii monomo kobu jiphemei hekhi jipheno. "Siiduno nileno Oramei khrule bupilo, ora kashi yesii modulo siibviili pfono nile heno tuta tile." (James 4:7).

### CHORO KOCHU KHRIMU

Khrista mei kali amazhe tichu khrimu sii hihie, achareino onghei kali ngheime te nikomo duno pfohi Khrista mei zhileno mazhi pralowo Khristamei kohriile no hriiwo ana onghei kalino ahrevu siimo kochuma koleiwo jiphe ye leshite, pfohe kobu kava sii ziite ea Khrista ye akua amazhe koso kono se pfiile tichu pfole leno akheitie ea akua alalo mote pfoye kokhu konu no kohe lote, ana kokhu konu duno moshushu no ziitate, Oramei chupe kocho theleno kokhu konu heno odo ea oko khru ea ziido komo okosii chakri tate pfono china zhe khruhi koleiwo Church zhesii kokuwo ojiphe zhele tate, ea Oramei ye lekashisii pfole no akhei lote kanghei hi kaliko thewomo pfoles; kanghei sotate, pfono ojiphe kashi lekho kashi onghei hruthu te, ana Oramei ye lekashi khre sowe pfole leno chevu no kazhi kashi siimakri kochu se ziite, Khrista ye duno mazhele tichu sii dziipa mote, pfoni komo ona pfole te, pfo amole se kheilote ea pfono Oramei heno mazhechu kape se achete pfole leno sii a-makri se hote ea pfo moletho he kobu orakashi lipe hekhi pithute kamamei ye akua chovo pute Oramei ye akua kohrii dziino, chipfo kaji kashi ngei hino pfohe lolo koru liji kali phowo bue, pfoye zhomazhe leno kolupie tichu mangei wo chipfii kaji Khrista mei kali sote.




6. KOTHENO SOKHO KANGHEI KOWO MOLETHO

Sho mazhe meino chikhu kokhewo ea lolo koru bu phowe, opha chilu kazhi kali leno, alei hroe ea meiyе kasa solo siimoe tto mocho kobu leno odo kali heno moe kashimei ye kasawo kobu heno ora kashio no pfohe khipе, hibvii chu ovo kali sothule ana ni raku ye woli chonghoko solemoe, hihi jiphe mei zhe siie siisilli kama moe tto oko kashi chakriwo ea chokro chomii so, ochu kochuma pe, ea khrimu kashi kolei khe kolei khe wo ozhe kashi mache komo meiyе kasa sowo hitahi lima moe tto kashi koso dosii siishu te, ochiva rahu khruno ile pileno zhewo kobu nulohroe, ana ikhrumeino opi vakhi okre mosomo koru duno nulo ea ile lele peno mothoshu, ileno ora kashiye oke kazhi pioli pfono azhi komoso ile ba khilo tile. Opfii phe raku thopfii chisa mazhe bule savu tile. Siiduno Oramei no ikhrumei he mothushuwo ea atho shuwo pepie, nalu kochole amonii leno tutatio ea kama otalileno motu pralo kolu kapi ea oru zhi kolo Lipeo Jisu he tuvulo. Khrimu lehi mei kali khrochuno molethova khri kochuhi Khrista mei ye krumii kochu tto siie, pfoleno chupe kashili pe ea ziido komo chu pewo Khrista ye molethova ingho no khrapie, hibviwo ole kanghei koso meino Khrista vo sofohroe pfono Orameiye kapri dziino omeiye prie, meino adei ye petile moe adei ye sopile tto kapri leno meichilei sote ana Oramei heno do tatie, ichuo li pfono mazhe te ea mocho kowo vutulo mote siibvii ora prate, kakri meino pfole dziino zhi kolo ea somajipra kowo nilowo amada khenghono talo lowo ni a-kara kalia nikobo tichu prate. "Nileno kothele lotimo koru duno shuhru lowo mazhechu pelo." (Mt. 26:41). Pekowo chupe hi ikhrumei no soteso monolo moli ikhrumeihe kasha shiki dzii kapa amada chupe kashi hikhruhi mololoso pralo siie: "Omei katako ala tewo bue tichu meisiino akre timo koru duno kolei telo." (1 Cor. 10:12). "Oramei no kapi oruna thopfiisii atulo, siitoko nileno orakashi dokei nghodziino ala lole." (Eph. 6:11-18).

## CHANE KOCHU KHRIMU

Ole akhei ta kotu Khrista mei moletho tichu khrimu hino manewe. "Pfole no denicho Oramei zhi kava lebue, Rache zhi kazhi mocho lote, ea mothu raku ozhesii ne azholote." (Heb. 6:4). Hihino siipu kolosii mei kalino ole chilu lomo ea pfo kahrii



7. OLE PFIITO LOMO KHEITA KOTU

7

reihl Oramei he thetho pibo kochu okhresii mane we, Oramei no pfohe ochu pekowo sa ole khroshuwo kobu mei kali siioli pfo alia zhilo koru chituwo bue moko tio kashi lesii tatile.

Tula kotu Khrista mei kali kohrii vano mossiwo Jisuno hibviiwo modo pie. "Mothu komo rakuno omei kali vano pra kotu the pfono odzii koho buchino tapfo aheleto phowo leiwe, ea obusii kali leko nilo hro tilie pfono p, aino takapra achileti adeivu tile, ea pfono vulo kochuchi ochisii viimothu ea kotushi tikhei towo nijloe siithesii pfono tavu pfo dziino shipu kochu raku chani ye sao vupue, ea pfoleno lole siino lo hriiloe, ea omei lona kohriisii chuhu dziino kono nasiino shipute." (Luke 11:24-26). Pfole siioli chida leno kape "Oshino ala morii kapra sii tolowe" ea "Vokriino odzii khripi khei towo mokon talo ado krilowe tto kapesii kochue." (2 Pet. 2:22).

Baible no ole akheita kotu Khrista mei kali moe ole chilu lomo kama ongasii soteso pepie kotheno pfoye amada thopfiisii pfo moletho leno bukoru duno ada vute, pfopra vahino molethole kobu kotuko manewe, mothu raku ea kamasii kohrii bulo kohro duno mothu raku rahu sii moletho leno thewo tate. Adei vano tili moletho hi ava koli Ora mei rakotho chi ea ora kashino kobu bu tto solohroe, pfoto moe nito no komo ona pfoto tibviiwo ole chilulo koru mocho ea Oramei chiipe sowo kobu rache vomeino le mazhewo othepeino kolei khe koleikhewo obusii thewote. Komowo onapfotowo tino. "Ovono koto oprose pfono ppopfu sii totho phrolo nite, ana omei kali kona pfoye chonghoko pimote, okhei dziisii pfo, itsii lipra lowo pe, ai akuthu lowo apfohe vuta le ea aino pfohe pele. "Apfo aino Orahe-a ea nihodziino mawo te, ai nina pfoto to koku okha mote." (Luke 15:16-20). Opfo siino ole chilu kolo pfonta pfoto yesii kokhei pie ea pfoyesii pfolote.

Khrimu hina moletho vahi chichuwo ole chilu kolo tichu kalie hoe, Oramei he-a adei vumoe, Lipeo Jisu phile-a vumoe, pfo itsii se onghu dei nghokri kowo bviise, pfo nobi pfiie, ana Lipeono modo kapi sii chakri boe, pfontghei bue, ana okhru okhei dziibviile pfophi kothetho kowo pfonto nimoe, ichuwo li pfonto


kama leno takowo se ahremoe, orakashino pfole leno hriikoru duno vute ea pfo bu leno movumei bviiwo bute, ichu kotue pfono kazhi itsii mokhro ea chipfiwo bue “ana oleleoli kathemei re ea mothukomono phro mate pfobue.” (Mt. 23:27).

Amada opfo orakshino omei molethole kobu raku mothu busii pfolote kama tto sii kowo mothu komo khena kri krikochu thoppii oba lekhi pfo orakashino obu moletho leno obu solote, alia modoso hrii korusii orakashino helowo oulote. “Omei katako Moses zhe pfiikho kowo mei ye sii omei kanghei kosiino mawote tto sakhi pio li pfoyesii zhomazhe mane pimo sothale, siibvii li mocho hio, mei katako Oramei na pftowo ye ophino tekrapfo pfo kama leno somothu kapi ochii kotho ozhesii ni amole ea zhomazhe raku ye niphro komo meisii siidziino chizhoko amazhe nipu koru bule.” (Heb. 10:28,29; 2 Peter 2:1-14).

Khrimu hile hino ole sii eh tto thethopi kowo ne siiduno kasa khrumei, kralo, Oramei heno, maleio tisho, atho shuwo kobu olehi. “Ea siiduno pfo vano Oramei he kovumei yesii pfono kolu pilosiie.” (Heb. 7:25). Ea kama thoppii kokhei pinio bue, kochuchuno ole chilu lowo pfohe vulo li, pfono ora kashi thoppii somohowo le ea nile leno losii pfolewo le, ni kochuchuno kazhi makhrei dziipawo sopile, phikha koso pfo na tibviwo, Jisu he vulo lowo kholo, “ea phikha koso mei kalino ino ngho tokhrii lowo pfoheno arawo pe ni modoli, nino aye somazhi losiie ‘Pfono leshiwo pfo ba kothephra pfoye deiwo pfohe pe’ amodoe zhilo.” (Mk. 1:41,42). Ana nino ole khrowo kavadziino kozii yeko odziipa tate mocholo leshe sokhro losiie tto, adei tili pfolano kahriimo kathesii kodoloe – “Adei tili kama zhokrusii kathe siie.” (Rom. 6:23).

## CHACHA KOCHU KHRIMU

Hehino ikhrumeino kobvii koro chu moe ole atsiwo kamamei kali kathe tichune, pfofii phe-a koso konono phro mate pfo bue ea rakuse kathe tichusii prishuwo bue, kathe (Ozhe-na) hino mocho komo ea dziipa komo lesii vute, chipfii kaji kama achovo nasii motate, ana nikapri kalisii amothu ochii kakri korusii ichuwo



8. KAMA MEIYE OCHU KAKRI KOCHU

vulo chote, omi bule lokoru amazhesii pfobale vulo chote, ichuwo pfono Orameihe vulolo hrote pfo opha pajiko maleiwote Oramei lekashi.

Pfo kasa pokhra no pfo kozii buhesii alalo prite ea pfokhrumei chupe nasiina pfoye sochovolo hrote, pfonu ozhi hino pfoye chopelo hrote, raku-a kolulo hrote, moe amazhe leno asolo hrote pfono Oramei ye kophro lo hrote, adei tili ora kashio no siibvii chu oke kazhi kaliko pimote. Avu kali pfono leshi piwo aku-a kohrii lonano pfoye krumii te, pfoye chithe kapi meino pfoye sokhro mote, pfono Oramei lekashi zhomazhe sii kalia pfopi komo duno ichuwo pfoye ochu kakri koru le vute, pfono itsii mochothue, "Hriwo kobu Oramei bale kolo hi kapri prilei kalie!" (Heb. 10:31). Echuo pfono siiloe oke kazhi kali moe kotsii kotu the ozii pheno ziiwo pfono Oramei hekhi thopfi somothuwole tto pfono mochoe ana siisii echuo pfoye duno manate tto pfono siiloe, omei thu-thu no Oramei he ole hropimo thitie, siiduno nila nilo kani heno Lipeo ye pholo tichu hi moko siie, pfo kohriile Oramei zhomazhe lekashi eh tipi komo ea pfopi komo thiti koru kamao heno Oramei zhomazhe ea kolu kapi tichu oko kochu thele sii echuo li ochii kakri chu khono chotile, kolu kapi ye malei kowo mei he pe. "Icha kani khromei a-heno tapfo orakashi ea pfo vomei ye duno kotuda khei koto chisa omibu lesii lotio." (Mt. 25:41). "Omei thopfi no ale kali thile siithesii Oramei no ochii kakrile." (Heb. 9:27).

## CHOKU KOCHU KHRIMU

Khrimu hina leno Khrista mei kalino oke kashi otali leno ea kokhu konu leno zhi kolo tichu ozhu maniwe, pfoye liji tali leno kothe-e pfono alalowo okhei kotu hrelae, pfono Khrista mei kohrii ozhe leno sothu kolo kolimo soteso hrepfo tukava-e inapo-e koleimo izho-e koleimo ana; "ikhromei amole sopra kapi ea somochu kapi Jisu yesii kolei telo leshe." (Heb. 12:1,2).

Ora kashino dzii kapasii Oramei he vulo koru mei ye nekarawo ea raku ye kohepfo bue Oramei na sokotu mei ye chithe mama





letu. Achipfo chu, kasha shiki dzii kapa, liji mache komo, ea kakri paji ko hilehi bue ichuwo ileno khemazhe the phratu kalino ne adei tili kama otali adalowo ea ozhu otali solowe, siisiino china zhuleno vue moe Rache vomei kava bviiwo vue chahre hrewo bue Khrista mei woli kama ozhusii mashi losiie adei tili Oramei chupeno ea achichu rakuno pfoye chithe sawo lei-e, pftomei kalino haye zhelebvii kali pfoba lekhi pfo Khrista mei nghodzii no odo sowo ojiphe achovo leno chituwo kothewe siito mateia mole kolo Khrista mei kali va-o siisii no choho solo hroe. Adei tili pfono Khrista ye aku-a kama leno thipi wotie. Khrimu hinale kanghei kochu pfo nahino Khrista ye okhrono depie, ochii kashi peo, omei thepono pemashiwo, Oramei ye nephro komo chiipeo, kromiio ea kopri kora kochu no ole ala tokolo Khrista mei kali moletho lehi okhrono achemo depie, ana meino kapesii pfono chakri pimoe. Ana Oramei no kape koli chakri pi siie. Pfono Jisu no kape chiipe siili mocholoe. "Aye duno omei no nile ye ahre pi, mashi makha, nile pile kashili no pemada pioli siisii achovo siie chovowo asalo; adei tili racheva sii nile thebu jishule." (Mt. 5:11,12).

Kama pfii-phe ea ora kashio tichu hino khristamei ye Oramei no lekashi leno somoko lawo koru duno solo kosii sa chituwe siito mateia chichu leno ala kolo Khristamei no ole jiwo amole leno pelo siie. "Atheno ikhrumei ye Khrista lekashi leno somara lole? Koso kono amazhe noho, saba mani koho noho, oke ozho kashi noho, moe khrochu noe?" (Rom. 8:35): "Ana hikhru thopfi lehino iye leshi kapiro zhileno ino zhio koloe." (Rom. 8:37). Orameiho kapi oruna thopfiisii atulo, siitoko nileno ora kashi dokei nghodziino ala lole, siiduno achichu siino nile chikhe khalo, ye kolu kolo pirii riilo, raku khrochu, siili Oramei chupesii pfolo." (Eph. 6:10-18; 1 Pet. 5:4).

**CHIVU:** Kazhi kashi siimakri tichu chivuhi maprei zhishue, pfole molethohi lochichu ea mothu rakuno phromate pfobue okhei kotu hrekolo mei hesii omu chishu kochu kavasii Orameino pile. "Zhikolo wosii péno Oramei toprileno pekapra kahrii siibu vano mahrei tole." "Zhikolo mei yesii the kanghei kochu nasiino somashi lemoe." "Zhikolo mei hesii aino koku kowo manna

kopoko pile ea aino pfole yesii otu kakra kalili pile otuva siikhi ozhu kothu kalili riikhei piwo.” “Zhikolo mei ea okhei kotu avo sokowo mei hesii omeita khru pile kokhro kokosii pile.” “Zhikolo meino siibviiwo sakakra bale ea aino pfozhu sii kahri lariiivii leno somoholawo lemoe. Apfu ea pfo rache vomei nghodziino pfozhusii modu pepra pile.” “Zhikolo wosii peno aramei rakotho chile pfoye peno oka kali aino moso pile. Ea ozhu kothu sii riile. “Zhikolo wosiino aino zhilowo apfu movu bule” aku-a pfoyesii mobule.” (Mos. 2:7,11,17,26; 3:5,12,21).

**HRO KAPRA KASHA BVII:** Hino pfo mole thopfii Oramei he shila pikowo kolimo pfo ni-zhi thopfii-a shila piote tichu maniwe, pfohe kobu oni-zhi hi moko leno pfono mata-o timo pfono koto koho mei yi-a sokhro pie, pfono nikolo kia leno ozhe kali Oramei vo duno pie hi kolimo pfozhi kobu thopfii sii Oramei he piwo ea Oramei ye azhupe kochu ovo sowe.

**LIRE EA OKHO:** Heno mothuwo kohrii alia ye kokha kolo tichu mosiwe, “Mothu komo na moto mosho komo chokhru koso orei achade katha so ea ozhe koto vano thepiwo tto riipile.” (Ovo. 15:20). Pfono moko leno oni somoho chomoe ea Oramei amothu chi sowo kobu pfii-phe hi-a opro kashino moa shida chiwo ea opfii-phe so amashi lekhi somashi chomoe; ana kazhi opro siino towe, pfole hia Oramei he pikowo mazhe chu kape ochi kali sote pfono Orakotho chile-e macheso vuloe, Oramei ye kapri leno elowo moso ye akhusii we, oke kazhi kashi tichu so kri khrei timo alawo ovo sowe, pfono mazhe chu kape dziipae Church leko se chinghii luleko se alia chinghii kosiie; Khrista meino akua amemuwo Oramei heno kholo moli choho kaliko mazhi thulo hroe tichu pfono siuwe.

**HROHI KOTHO LARIIIVII:** Hehina sii kolo sii Baible hi pfo nghodzii woli hrohi kotho larii bvii kalie, chikothuni pfono hihi phrowe hile hino kokhro koko, itsii modo, kahrii, kavasii newe, hihino pfo phikole kava ea mahrei mei dziino zhilo koru khrochu siie chithuni raku tavei siie, chari khralo koru odzii siie, opfii-phe ye khrii mothu obu siie, ea alia ye nilo kosii khrizhu siie.

Pfono pfo kross kopfii dziipa-a adei tili amazhe kade moli kolu lohroe tichu pfono siiwe, pfono Khrista ye aku-a kohrii kothu nilowo hriithuloe tichu siiloe nile lesii opile siikhi kheilo ana ojipheva kheisho. (Col. 3:1-2). Pfono Oramei kade lo koru soda lotie, "Pfosii kori dziipu heno pepra kowo siibu kali marei-e pfosii pfo chilu thephriwo otho mashi lowe." (Olo. 1:3). Darkha bu kali bviiio otho paji mashiloe, pfono kathe tichu primoe adei tili alichuchu. ole kashi Oramei vano mothu raku no pfole lesii phromate lotie.

## KIA KOCHU KHRIMU

Jisu no lopei hepe, "Ai hri kothuwo ea kahrii siie aye lochichu kolo meisii thetie pfosii hrilole, ea omei katako hriwo-a aye lochichu kolomei sii choho chiko the lemoe." (John 11:25-26). "Achii cho lowo aye mole kovu loṅa ye lochichu kolomei no chiaa kahri sii niloe, pfosii ochii kakri kochole vule moe, ana kathe leno kahrile motu pratie." (John 5:24). Kathe tichuhi Khrista mei kali ye amazhe ea nekapri hoe. "Kathe yesii zhikolono mazhe lotie. He, kathio, nino zhikolo sii adei chi butie? He kathio ni ikri sii adei chi butie? Ana ikhrumei Lipeo Jisu Khrista vano zhikolo kapio, Oramei kralo shue." (1 Cor. 15:54-57).

Oramei ye aku-a kohrii ea ta azhuwo kobu mei kalino kathe tichu primoe pfono kathe pha kovu chi-a asawo tale hihi Khrista chilei Poul nope "Aino amonii siiloli tamara tiwo Khrista ye aku-a kohrii hie adei tili siisiino zhipu shue." (Phil. 1:23).

Pfoyi duno kros vano thipiwa kama leno kolu phra kapi Lipeo Jisu zhu sii Khrista mei kali no kolei niwa bue Raku Mothu kotu-a Lipeo Jisu Khrista chupe sii mochowa buwe, "Nile le mazhe tishu, Oramei yi lochichulo, ayi-a lochichulo. Apfu chinghii sii obu paji bue. ...Aino adavu nileyi ahe sawo vule siitoko aino kobu hesii nile yi-a mobule." (John 14:1-4). "Nghetho no nekhrei ti komo sii sii Orameino pfoyi lekashi mei ye duno sodapie." (1 Cor. 2:9).



**10. AZHU PEWO CHINGHII VUKATA**

Ojephe hriiwo kobu chino Lipeo Jisu Khrista chuzii lowo takowo meiyee duno kotudahi kotho Orache bulesii mothushi tto moe sokhowo wo mosiilo koru ola hoe, okhei khrimu lehili nikapri kobu ozhe kathe tichu othesii rache vomei moe Oramei ko kape tichu niwe, kama kokhei piwo somothu kolo raku yesii Oramei he kovu khuwo bue, pfo rakuno thelo kazhi pfii-phe hi thewo pfono lekashi Lipeo no hrohi kotho Rache chikhu hesii zhekhrote, Oramei buleno pfoye asawo siilo koru mariwo bue obu lohesii no Lipeo no. "Kazhi ea lochichulo kazhi chileio somazhi shuwo te... Ni Lipeo asa lesii lolo." (Mt. 25:21). Hibviiwo koshu kapi chupe peo pfoye elo pie Ora kashino pfoye deilo koru kokhro hote adei tili. "Lipeo nghodziino omu kachi siili pfo amothu meino kathe siie." (Ol. 116:15). "Rache no shipei kali aino choe. 'Hihi riilo, ichu theno Lipeo zhi leno thekotu khramei sii achovo siie.' Rakuno pe 'Kochuchuso achovo siie.' Pfoleno pfole chitu chilei siino asole, adei tili pfoleno ov' akua takowo dunoe." (Mosii 14:13).

### OKHEI KOTU KAPI

Lekashi kasa khramei, nileye lekashi Orameino nile lehi Oramei hekhi thetho kapi sokhro pio, Lipeo no nihe khi hibviiwo pe "Ana pfoto nilesii aye pio." (Ch. 23:26). Jisu hekhi nile amazhe, mocho tula komo, nikapri ole sii pio, ea pfono nihe khi moletho kothu ea rakusii pile, chipfo kaji the phriiwo nila niye somamawo shu, adei tili. "Alia ye lochichu meisii athonghii mei kalie, ana chisii leno kata meisii kolu phra pile." (Ch. 28:26). Kamasii thewo achichu sii tokreilo adei tili "Adei tili kama zhokru sii kathe siie ana Orameino masano kapi thebusii woli ikhramei Lipeo Jisu Khrista zhuleno chisa kahrii siie." (Rom. 6:23).

"Oramei he kohrii thetho pikowo khramei, "Aheni mothu shitto chokolo chupe khru tino modolo kazhi sowo Khrista Jisu he kobu amole ea olekashi leno hriilo." (2 Tim. 1:13). Khrista Jisu Apostle Poul no hibviiwo pe "Aino lochichu kowo lona yesii siuwe ea ahekhi pfono thetho pikowo chithusii kotu pfono khupi lo siie tichu aino siitewe." (2 Tim. 1:12). Oramei ye amole leno somaji thulo, Raku Mothu zhu leno mazhe chu pelo. Oramei lekashi

leno hriilo. Jisu ye koleilo pfo Ijile, achichu ye kahriwo p̄fona khumei ye kotho p̄fola koru duno kovuwo... "Nile ye akre'adu tilo koru leno amopilo kosiio ea kama howo pfo kokhro kava nghodzii sii asa shuwo p̄fovu pilo koru duno nile Lipeo Jisu Khrista vano deni cho-e, ezho de-a ea chisa iye kolu kapiu kali khriibvii kochu Ora mei sii peno azhu pewo, okhru vawo, alipewo, kokhro koko p̄fiwo kalei sii moso pi'o. Amen." (Jude 24,25).

Copyright ANGP

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc.). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a



**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature évangélique, des livres et des traités en plus de 538 langues, écrivez à:

Para obter gratuitamente a literatura evangélica, livros e folhetos em mais de 538 línguas diferentes escreva para:

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

[info@angp.co.za](mailto:info@angp.co.za)

**A Gospel Literature Mission financed by donations**

**Une Mission de littérature évangélique financée de dons**

**Missão de literatura Evangélica financiada por doativos**

(Reg. No. 1961/001798/08)